

SÁMI PARLAMENTÁRALAŠ RÁÐI (SPR) JULGGAŠTUS DAVVIRIIKKALAŠ SÁMI SOAHPAMUŠAS

Dohkkehuvvon Sámi parlamentáralaš ráđis 14.04.2010

SPR sávvá, ahte Suoma, Ruođa ja Norgga stáhtat gudnejahttejit sápmelaččaid ovddastit sámi álbmoga Suomas, Ruotas ja Norggas. SPR muittuha, ahte davviriikkaid sámi soahpamuš bohtá leat eahpedievaslaš nu guhká go Ruošša sámit leat sámi soahpamuša olggobealde. SPR doarju maid Ruošša sámiid viggamuša orniiduvvat álbmot välljen orgánan ja ávžžuha Suoma, Ruođa ja Norgga stáhtaid doarjut Ruošša sámiid ulbmiliid.

SPR vuohtta ovttaoavilvuoda gaskkal Sámedikkiid ja Norgga, Ruođa ja Suoma ráđđehusaid, álggahit Davviriikkaid sámekonvenšuvnna šiehtadallamiid.

SPR ávžžuha Suoma, Ruođa ja Norgga ráđđehusaid gudnejahttit sámiid iešmearridanvuoigatvuoda álbmogin davviriikkalaš sámi soahpamuša šiehtadallamiin.

SPR oavivilda, ahte davviriikkalaš sámi soahpamuša joatkkaráđđadallamiin sámedikkiit šihttet oktasaččat ráđđadallamiid ulbmiliin SPR:s.

SPR ávžžuha dasa lassin, ahte Suoma, Ruođa ja Norgga stáhtat váldet vuhtii ahte árvalus man suoma-norgga-ruođa-sámi áššedovdiidjoavku gárvii golggotmánu 26. beaivve 2005, Davviriikkaid sámekonvenšuvnna evttohus, lea vuođđun šiehtadallamiidda.

Šiehtadallandelegašuvnnat galggaše ásahuvvot nu ahte sámedikkiit leat ovtadássásaš oasseváldit iešguđetge riikkaid delegašuvnnain, ollislaš friddjavuođain beaktilit ovddastit sin álbmoga šiehtadallamiin.

Sámedikkiide galggaše addojuvvot dárbbaslaš resurssat sihkarastit ollislaš ja ovttárvosaš oassálastima.

Galggašii asahuvvot bastevaš ja dohkálaš áigeplána šiehtadallamiidda.

Buori áiggis galggašii šiehtadallojuvvot movt Davviriikkaid sámekonvenšuvnna válmmašteapmi formálalaččat galgá meannuduvvot iešguđetge sámedikkiid ja stáhtaid bealis, ovdal go álget gieđahallat iešguđet konvenšunartihkkaliid sisdoalu. Dát čuovvu dain prinsihpain mat vuođđuduvvojit konvenšunevttohusa kapihtal VII:s, sámedikkiid dohkkeheami, ratifiserema ja konvenšuvnna fápmuibidjama birra.